



94523

天瘦閣詩 半六卷

卷一

五七言古
七十一首

卷二

五言
八十八首

律

卷三

七言律
二百十四首

卷四

七言律
二百十八首

律

卷五

卧游七言律
一百二十六首

卷六

五六七言絕句
三百五十首

自道光甲午至光緒甲申秋五十年中手稿遺十之四刪十之六姑存其半得古今體詩一千六十六首用活字排印五百部去冬今春以後所作及舊作有漏印者皆載天補樓行記中別爲一編乙酉二月李士棻自記於上海寓齋

天瘦閣詩半序

天瘦閣詩半序

予與忠州李君芋仙皆道光元年辛巳生。繼乃同舉拔萃科爲同年至相好也。癸卯甲辰間同事李西漚宮詹師於文翁石室時方務帖括之學君獨引商刻羽鑽研六義親受西漚詩法爲之甚力則以詩鳴蜀中庚戌廷試君以會考第一人報罷閱卷大臣湘鄉曾公深惜之資其膏火命游太學名公卿交相延譽才名日隆隆起則以詩鳴京師咸豐癸丑予公車計偕下車首訪君見直省高才生之集輦下者莫不推襟送抱文酒之會旬至再三清詞麗句類能舉似而口誦之則以詩鳴海

天瘦閣詩半

一

丙辰再入都因留過夏往還較密每朝鮮貢使至輒詣君寓舍間起居錦袍玉帶作般辟拜投縞贈紗必乞其詞翰以去則以詩鳴海外迨庚申予游大江南北泛滄溟走閩粵復循海萬里北歸凡所歷里區謁舍質館夷樓旗亭之壁酒壚之座無不有芋仙詩者盛矣哉其書中之蕭子雲文中之温子昇乎歲辛酉壬戌君需次江西出宰彭澤則又千古詩人宅也形贈神答詩日富日工因有勸其先付手民者客或獻疑曰偏絃不可以律調孤羽不可以鶴飾芋仙詩近體多古體少奈何予應之曰皇古之篇異於三代騷雅之作殊於兩京詩家

諸體至盛唐而始備如子言唐以前詩人其危矣哉沈約云詩乃神明之器柳冕亦云文本哀樂之旨是有性焉有情焉出之於分寸杪忽之間而達之於天下國家之大何者其體約斯其味旨其感神也使芋仙衆體皆備或一篇之中瓊瑜不掩尙當爲刪之薙之不以兼到之思累其獨至之詣况刻精竭慮先攻一體而徐及其餘正昔人所謂同能不如獨勝又云不榮古而虐今則吳江五言重陽七字且有足傳之無窮者况尙有數百篇之義心清尙感均頑豔者在耶君藻勵自喜無單複無町畦天下人識不識一見輒投分作曲室語久之如

天瘦閣詩半

二

飲純醪如聽古琴故始則讀其詩想見其人旣則愛其人益重其詩然君之詩又非以人故而始家隋珠而戶荆玉者也予別君數載今來皖江見其學益博養益純不爲官腐不爲勢屈如羊角之風轉而益上他日短什長謠當有無體不善者然亦春蘭秋菊各秀其時而非徒截鳧續鶴之爲以徇夫吠影逐聲之論此又如染工之五色相宣律師之九變復貫皆其境之所必開又豈繩尺方隅之所能限哉今姑以是編爲天下不盡讀其詩者贈必復有翕然交推信其可傳者是則芋仙以詩鳴一世一世之名則旣成矣千秋萬歲之名猶今日也

尙預愁身後寂寞乎同治二年癸亥四月温江同歲生
王再咸澤山拜識

天瘦閣詩半



三

王再咸澤山拜識

王再咸澤山拜識

題新印詩卷酬徐君子靜暨錢君昕伯何君桂笙
序曰天瘦閣詩半六卷往年屢煩友人錄稿頃始
用活字排印成上下二册凡五百部前後計費二
百金告貸於同年同門之厚於貲顯於仕者二人
未有得也得子靜仁兄之助乃底於成欣愧交集
謹賦二詩題之卷首去臘廿二日子六十五歲初
度昕伯杜笙兩仁兄爲予置酒會飲并和子自壽
元韻足舒久客之悲彌切知己之感且連年屢傳
黃金噩耗賴兩仁兄屢登予詩俾九州內外曾識未識
諸朋好知子一息尚存萬里如面此與子靜之助

天瘦閣詩半

四

刊舊稿皆予之所極難忘者也

黃金適用易爲功支拄廉隅緩急中詩草粗完于古事

酒徒高會百花叢

詩稿排印成帙藉答遠近朋好屢勸
什粹之誼暇時當儼去臆生日昕伯

所議食單邀
諸至好一醉

稻梁辛苦隨陽鳥

予近壽桂笙有才華枉
給稻梁謀之句洛才讀

之謂惻然動心蓋吾輩無一日不在稻梁二字束縛指
驅使中除非成佛生天未有一人能解免者可慨也

爪東西踏雪鴻細讀龍門游俠傳斯人何減布衣雄

侯喜詩聲起少年左思紙價貴於前坐銷福分名何補

枉費工夫格未全

古少今多
命曰詩半

香草美人騷彷彿鳥心花

淚杜纏緜

予詩去騷杜何香霄壤然感時恨別每託於
香花臥酒以寫無聊之極思如卧游詩中萬

事向衰無藥起一身放倒聽花埋一聯郭筠仙侍郎以
爲寓言十九中有無限慨歎此真神明於詩知我之言

也九州間有神交在身後知誰願執鞭

光緒十一年三月既望李士葵并記於滬上寓館

旅述八首

附印於此翼覽者知予近狀其去冬今春以後所作入天補樓行記別爲一編

竟拋家計避啼號旅次何能興獨豪願在嬾吟元亮賦

年來澄懷觀道力屏治游吟愁時續子雲騷山邱華屋兼風義登壑

昂霄對俊髦未免低顏籌藥餌詩名坐愧古人高

仕宦還鄉豈不佳其如偃蹇與時乖飢寒亦半由人事

富貴焉能到我儕謝傳年衰防子覺龐公身隱有妻偕

古來賢達甘無用醉便高歌死便埋

一語狂來欲問天忌才何苦用情偏蓬摩面壁難成佛

天機問詩半

五

子晉吹笙易得仙志士仁人終寂寞癡兒騃女總團圓

從今願乞容容福長日惟消食與眠

終始論交保一心異鄉人士獨情深哀子每進王孫食

知我惟分鮑叔金故里薦才無狗監新詩傳誦有雞林

怪來坎壈纏身久忝竊虛名力不任

壯已無聞耄可知我生飄蕩復何之記酣燕市荆軻酒

吟斷揚州杜牧詩海客致書投遠物山妻多病算歸期

行年怕就君平問問了君平轉自疑

小窻聽够連宵雨勃勃詩心花怒開看畫逕思扶杖入

典衣先備買書來羣芳得氣皆奇福豎子成名卽霸才

一覽郊原春浩蕩東風吹活幾樓臺

行路古今同一難出門天地果誰寬淫於服乃稱佳士
多得錢纔顯好官瓦釜雷鳴諸樂啞金尊酒滿美人歡
白衣倏忽成蒼狗此等浮雲我倦看

已成孔父周流局更續莊生汗漫游一世雞蟲誰得失
百年兒女幾恩仇易詳憂患身多旅詩寫悲傷氣是秋
此日東南耆舊盡過江不忍過西州

楊慈湖曰人生只忙迫一場便休予墮地六十餘年
所忙何事成就何等但得一聯半句流傳身後後之
人或亦有激賞予詩一如予今日之愛慕乾嘉諸詞

天瘦閣詩半

六

客則予不爲虛生矣旣不敢妄自尊大思兼擅古人
之各體皆工必至奢願難副無一端之可稱又不敢
妄自菲薄視古人過高每有述作不復精思力踐甘
讓古人卽專攻一體亦難信安身立命之果在此也
此則予平日爲學宗旨也童鷗居士芋仙附記

天瘦閣詩半

古體

法源寺看花

忠州李士棻詩



禪宮富花木年年趁花時來多與花狎相向成舊知再
訪元都桃已校他人遲何況同游輩分飛多別離對花
三木息棖觸停雲詩
丁香鬱萬株深入不容步香濃蝶易醉枝密鳥難度所
苦折花人容易攀條去風旛夙裁翦金鈴勤顧慮安得
萬化身一身守一樹

夕陽聞梵放晚鐘上新月徘徊踏樹陰瘦影寫兀兀月

天瘦閣詩半

卷一

一

倍花間明花爭月下發紅紫併清光照耀入眉髮人生
看花福一似月圓缺

寄酬朝鮮李錦農徵君

李杜與蘇黃名震天壤內惟蘇官較高亦屢遭遷劾今
讀四家文儼與經史配窮困備一身聲華及千載君生
古人後心在古人隊昨從海外來揖我中警歎異域定
石交同姓結深愛捉筆書生平字字見肝肺摯性俱纏
綿豪情各慷慨屢臨天補樓把酒終日對妙譽溢壇坫
英詞耀槃敦輦下諸耆宿咸喜識風裁分手何匆匆一
聚便難再天疆實限之積懷漸成痾夢魂飛傍君河山

不能礙連歲遺我書吟身知健在遠物紛見投如獲珠
百琲嗟我少壯時志嘗慕鼎鼐謂宜躡青雲樹立追前
輩卽今年四十竟與初心背辛苦博一官未敢傲丞倅
風塵厭奔走奇窮久益耐還蜀無穩期室人定交諍瑣
瑣陳旅狀君應悉梗概聞君入幕府仗劍歷邊塞徐卿
雅重君青眼優盼睐君抱驚世才畏進而嗜退蓄念在
名山學道跡宜晦所願勤著書光潔絕疵類吾儕犯世
忌無日無尤悔百爲難一成此事未可廢勗君兼自勗
藉作韋絃佩勿忘疇昔盟簞篋鳴異代夜就短檠燈苦
吟酒頻酌迸淚緘寄君東嚮發長慨

天瘦閣詩半

卷一

二

寄酬朝鮮徐薤坡尙書

卿雲麗九天我嘗仰而窺謂是君威儀明月燭九地我
嘗俯而卽謂是君顏色天地何茫茫上下幾萬里吁嗟
我與君相去亦如此思君見雲月我便大歡喜未覺去
君遠其近不踰咫頃復展手書有聲出紙上首言苦思
我繼問我無恙念我久爲客旅食誰供養文債當已了
歸期慎勿曠舊題昇仙橋氣岸殊跌宕卽今壯志頽深
悔前言妄一官墮風塵形容失舊狀四十尙無聞五十
復何望在遠君不遺海物殞珍貺拜登三太息媿極轉

惆悵

送常州潘畫堂游大梁畫堂寫美人一幅贈別

披圖不作非非想絕世蛾眉在書幌美人私語如可聞
道爾前身是周昉花底相逢醉幾句不得從容寫我真
惜君去作梁園客冷落燕臺舊酒人

讀稼生師琴味齋說卽題其後

東坡師六一爲譜醉翁操吾師有拙翁壁立見高蹈世
味百無嗜蓄琴寓深好創爲琴味說直窺古人奧古人
所不傳聖處能獨到舉世尙新聲雅鄭日相冒試味琴
中味應息箏琶諫人心返和平願以此說導

哭徐海觀先生之訃寄陪令子秋堂進士

天瘦閣詩半

卷一

三

去歲接君書陡悉尊翁病謂當服靈藥已驅病魔橫頃
以訃音告涕淚一時迸念翁卓犖才振奇出天性慢世
得狂名近時成獨行丰采萬夫望詞賦一家盛百里羈
一官垂老始從政天何遽奪之不延翁壽命平生所欲
爲有志殊未竟翁昔至皇都識我能高詠文字爲介紹
俱喜測交正我嘗兄事翁見翁必起敬一別判人天不
得重合併知已日凋零寸心誰可證東嚮哭失聲招魂
遼海覓君復繼前好手札嫺辭令念我目力衰鄭重貽
我鏡鏡實翁所御餘光感分映願君承先德席珍待國
聘後起大有人我更爲翁慶

豐臺看芍藥花同周玉年周式如作

長安春盡無花開芍藥一開春始來曉聞賣花拋夢起
買供棐几羅餅疊此花豔絕更清絕芙蓉出水無纖埃
主人愛花不暇醒對花日日傾深杯高藥低枝爛盈屋
猶嫌未飽看花目南西門外古豐臺世種此花得名獨
一朝得偕故人往並轡出郊天宇朗道旁老樹生綠陰
澗底新泉送微響豐臺無臺何處認逢著村人輒問訊
忽見花光遠照人紅雲白雲攢作陣蝴蝶團團近人飛
花密不容掉臂進喜極跌地卧花陰花香滿身衣爲潤
故人怪我出花遲覓向花叢強曳之我道人生貴適意
天瘦閭詩半

卷一

四

逢花不樂欲何爲不見往時劉伯倫呼童荷鍤日隨身
醉死便埋不擇地大人先生真酒人世間萬事復何有
浮雲白衣變蒼狗神仙富貴海茫茫文字誰能傳不朽
惟應日與故人俱處處看花催進酒

花之寺看海棠

南西門外花局多海棠大開皆送喜花之寺中凡幾株
十丈紅雲染池水持較鄰園錦繡叢不及此花三十里
藐姑仙人餐霞姿穠妝兼受露華洗玉眞霓裳舞不停
金屋阿嬌笑相倚臨去尙繞花下匝停轡還將鞭屢指
明當攜酒開瓊筵一夜咒他風莫起

庚申上元後一日蕭芸浦過予天補樓遂同訪曾
佑卿復同叩周式如寓廬酒半式如出佳紙屬三
人各書一則書成予輒綴詩紙尾俾式如藏之他
日四人者出處離合靡有定蹤倘一相思輒爲展
視則此一幅墨緣固彭澤停雲之什而子山思舊
之銘也

京師號人海繁盛無與比佳節轉寂寥不如在鄉里鄉
里饒樂事首數元夕美燭龍戲九衢簫鼓撼天起雜選
士女羣肩摩徧城市爆竹轟若雷明月踏成水我昔方
少年身擠眾人裏通夕恣酣游破曉猶未已一自客春

天瘦閣詩半

卷一

五

明今踰十年矣惜茲佳節過流光去如矢閉門坐太息
書亂不暇理蕭郎忽我詣攬迎忘倒屣並轡欲何適言
尋曾氏子留飲歡有餘興發不能止連臂欵荻齋燈花
助人喜瑣屑陳酒核歡酬相汝爾主人書自聖義獻常
赴指胡爲濫見賞乘醉出佳紙促爲急就章墨華爛盈
几書成互把玩妍媸任藏否趁媚學夫人拙哉我其婢
吾儕文字飲幸逃肉食鄙回憶兒時樂童心無乃侈久
客飽憂患近益厭紛靡一二素心人過從殊密邇却恐
負良夜臨池各逞技一波一磔間亦覺含妙旨且爲耐
久計愛護亟藏匱人生不長聚天涯易轉徙相思邈河

山索居鮮知已試取心畫看其人近如咫歷歷認前塵
此卽鴻爪耳

謝丁恬生贈琴

我昔留滯京華窮次骨頗以書富相矜伐黃金時復落
手中卻緣買書告乾沒飢可無食寒無衣貴人之門不
一謁使我偃蹇屈不伸獵盡英華受天罰我聞書之朋
儕琴劍是二物希有苦難致丁侯磊落我知音投劍未
了以琴至萬書騰笑劍欲鳴感歎丁侯好風義從來物
各懷其羣一朝合併疑天賜

謝何廉昉先生點定舊詩

天瘦閣詩半

卷一

六

我詩鮮善音如聞蛩夜啼又如秋海棠方花已含悽瘦
鳥寒郊同臭味炎天忽有青霜氣悔餘道人知我真危
言讒語無忌諱昨來投我千金方吟壇勸豎精進幢我
輩無病呻何益牢愁恐與年命妨不見君家太白殊豪
宕錦衣玉帶仙人狀日騎駿馬狎名姬海內無人繼高
唱攻詩如此差可樂奇句忽從天外落提攜琴劍出游
遨莫守蓬蒿悲寂寞

端居一首柬馮老良何廉翁楊素園

端居念浮生一身百憂撼本無淪落事而有淪落感氣
類使之然情至易爲憐世網實多門喜人墮深習官卑

退較易進取吾何敢吾心無關防卒與世緣潛發言失
揀擇聽者首勿領不有素心人更誰獎迂闇賃屋依東
湖妻孥紛笑喊未寒已謀溫方飢遽求噉瑣瑣計衣食
神傷貌愁黤憂虞促人老有鏡不宜攬投筆託從軍書
生苦無膽欲讀閉門書精力耗鉛槧誓將賦遠游江山
壯登覽

姚慕庭馬鍾山過談留飲

閉門春雨中門外事不知北風響門鑰朋來醺黑時亟
取畫叉錢沽酒填空卮坐視燈燭光相顧皆成癡慕庭
不表穠柔聲奉母慈楹書三尺高富於萬金遺鍾山喜
天瘦閑詩半

卷一

七

談經箋疏析羣疑頃將裏行滕出門紆孝思吾儕有天
幸識字異常兒正以識字故動與時不宜積毀重千鈞
獲譽無毫釐雌伏蓬蒿叢坐看羣雄馳且勿歎寥落擇
善以爲師

新春憶琉璃廠肆收書之樂

牙籤錦袱堆如山人作蠹魚游其間昔賢夢鄉所履地
我乃親到真婀娜南來作吏書廢讀手檢巾箱孺子哭
讀書須帶前生福收書已耗今生祿百年去半吁可悲
二酉再訪津梁疲貧來捨賣無人買忍寒猶記典衣時

看畫憶鳴玉溪

吾州林壑最城西，圍經盛稱鳴玉溪。石壁千尋瀑泉吼，
人家兩岸空翠迷。我屋高瞰清瑤流，桃花塞巷柳遮樓。
嬉春鐙火橋頭月，消夏壺觴樹杪舟。四時煙景紛難記，
是我平生釣游地。南北奔波動卅年，谷響林容夢中識。
行腳每經好山水，轉惹征人思故里。老去一錢囊底無，
愁來五嶽胸中起。除却思歸萬念刪，暫憑畫本認鄉關。
谿上風光忘不得，何況先人埋骨山。

憶白文公祠次前忠州牧中州王先生爾鑑巴臺
題壁韻

石懸明鏡煙橫帶，人自煙中來鏡外。竹枝久斷巴女歌，

天瘦閣詩半

卷一

八

木蓮猶認甘棠在，西澗東坡留古魂。吸藤說餅多遺聞，
醉吟閣上黃花酒。長憶年年九日樽。

齋居雜詩四十四首

晨旭臨東窗，文明開翳障。盥漱凜聖銘，圖史崇微尚。無
思而有思，中和此其相。

屋山百鳥聲飛鳴，挈儔侶嚶嚶吐和平。亦如人對語，彼
鳥無機心終身相爾汝。

開卷古人滿，各放大光明。磊磊出處跡，顯顯言笑聲。神
妙著書手，能寫古人生。

古人去我遠，思之每流涕。乃其真精神，感人到萬世。當

我流涕時古人定來契

我欲撰二書名就南華取選形德充符緣督養生主惠

子倚樹吟庖丁桑林舞

人才無賢愚視勢判優劣一朝據要津清流甘與絕奔

走市井兒自詫萬人傑

走筆動千言刊詩表官職滿紙無字碑滿面驕人色就

問李杜名答云不曾識

服藥如逃暑搖扇能致風卻暑顯扇力卻病旌藥功一

清涼世界乃在藥煙中

饑來飽羣籍譬吞山海珍將軍不負腹食多粟陳陳所

天癯閣詩半

卷一

九

貴在知味雋永日嘗新

百城與三窟俄頃散浮雲遺經闡性道列史尊藝文苦

心成絕詣歷劫流聲聞

元白兩齊名終始情勿替一夕間謫官寄詩共悲涕今

人車笠盟臨難斷交際

儲侯諡文筆能飛者居上周遷雙鳳皇天門開詆蕩後

有起衰人崛起高頡頏

儲畫山

閉門兼讀書福在釋迦上休那過來人此語獨不妄兀

坐擁愁城文史空跌宕

盆花繞榻開東籬借風物枝葉靜娟娟琴尊偶披拂微

馨似水仙清供媚龕佛

聖朝第一流供奉

仁皇久著書享大年學海仰山

斗今日菰蘆中有兩老人否

西河竹垞

詩話各門庭覃溪說肌理膚立與茗柯百家紛弔詭叅

透上乘禪許爾親得髓

棄官游五嶽山靈對題名老挾濟勝具此殆天玉成偏

檢畸人籍有幾獨往生

桑歿甫

談龍駭言波餘波及聲調禩心肆深文怒罵寓嬉笑貪

多愛好評平情語絕妙

放翁昔課詩日日親筆硯此如信將兵正用多多善萬

天瘦閣詩半

卷一

十一

首傳至今當時只無倦

四壁圖名山彈琴山爲響六鑿不爲殃五嶽可長往臥

游卽天游天門詆蕩蕩

學由悟乃成積久需一旦譬彼叅禪人叅到葛藤斷真

性忽現前靈山會未散

司空廿四品筆端有造化入微如鏤塵回甘如啖蔗後

來印詩禪滄浪亦其亞

潔稱米漫士迂甚倪雲林白毫佛圓相綠綺詩清音其

人古逸民自諡曰冬心

金布衣

同時每姤能異世恒悼屈實有薦達權坐視久鬱鬱此

人亦人耶無情不如物

讀書當游山都於心有得身攬鸞鶴羣目錯雲霞色享
此大蓬壺定用何功德

累朝大聖賢五倫各缺陷藐躬命不辰一身萬事欠恩
仇且未報雪涕看長劍

納汙必川澤藏疾必山藪星宿羅四七雲夢吞八九惟
大乃能容惟虛乃能受

川澤自易汙山藪自易疾士但慕清流跬步動多躓兢
兢復兢兢一敬救百失

二孫可人意朱繩雙髻縮每飯必來前爭先弄盂瓊蘭
天瘦閣詩半

卷一

十一

芽簇簇新聊用慰老眼

二林老居士學佛善著書人得氣之秋心游物之初禪
侶亦文豪臺山與愛廬

能爲才子師其人必大佳韓富婉名德蘇黃結朋儕不
見尹文端長說袁簡齋

佳事滿青編多聞號益友聞人讀晉書問得亭名否識
大小不遺腹笥收萬有

醉翁語三上坡老熟百回當其愛日力何嘗恃天才爲
文與讀書悠悠其可哉

兼工不並傳精者掩之耳子固詩則然子美文亦爾博

學無成名巷人議孔子
天時及人事撥觸爲文章但一開兩眼品物紛成行吾
將收捨之次第入奚囊
蘄至古立言昌黎文見道道高身則危諫迎佛骨表手
起八代衰竟以文人老
稱詩稍有聲不學信無術刑犬盟面朋嚇鼠騰口實三
錢買雞毛視作擎天筆
作易有憂患志士多苦心想當勞辱日感動萬鬼神今
之俎豆者古之風波民

蘇米在當時人人盡傾倒黃寔說二事最愜平生好酒
天瘦閣詩半

卷一

七

貽玉局仙茶奉襄陽老

忽逢葛天民晴窗展陶集黃花繞坐隅與公相拱揖其
詩卽其人是之謂言立

不草乞巧文不吟逐貧賦百城擁蠹魚三窟讓狡兔彼
適從何來我如是而住

枯木倚寒崖指點最親洽不離真實境而說真實法老
婆善度人一語了千劫

榮辱生欣戚恩怨爲合離奔走一世人人情不知誰
實使之然一造化小兒

奇窮禍聖人七日糧爲絕一味只固窮尼山授真訣窮

者世相望成就君子節

六月廿四蓮花生日同董覺軒鄭曉涵朱蘋洲小

集攬秀樓分韻得日字

看花淨業湖中朝幾儔匹

在與楊海琴何小宋伍松生楊叔通吳秋伊每年此日必

湖樓

會款出都廿二年乃復有今日座上去年人四明董生

一鄭子雲海豪朱君琴溪逸炎天作冷局招邀會者七

維茲攬秀樓可號清涼室池荷相向開彌望水天溢翠

蓋擁紅妝酒瓢對詩筆簫管聲清脆羅綺態親暱一曲

侑于觴此意花應悉吾儕坐迂濶治生總無術但偷一

寸陰不顧九事律脫略衫履拋匱釘肴核密少留正自

天瘦閣詩半

卷一

七

佳好景殊易失拈韻出手忙送詩走使疾悠悠詞賦名

憑人議甲乙

三月三日雪巖招同修梅陪張衡翁游祇園庵看

牡丹

朱藤紫綬高拂天下有落花揚春妍正含宿雨籠朝煙

繡幔斜飄綺砌邊鐵瓶道人詩中仙御風而來人門先

繞花三匝花齊肩戲評此花通詩筌璧月瓊枝色色鮮

後庭玉樹聲聲圓金荃麗句什百聯錦瑟華年五十絃

形容不足永歎焉花亦點頭舞蹁躑憶予曩歲客於燕

豐臺芍藥天下傳花時紅紫彌陌阡挈友往觀喜欲顛

薄宦江城踰廿年與此花無半面緣何圖祇園花事全
嘗茶食笋相流連一株如夢參真禪新詩催寫浣花箋

題石埭徐子靜仁兄觀自得齋印譜譜中萃二十
年中所得古今佳印凡八百餘事

佛云不動尊旛動曰心動骨鯁篇脂韋城闕視巖洞精
微中默存軸錄外勿縱飲水知冷煖滋味幾人共神駿
故權奇伯樂乃能韉君抱金石癖晝狎宵入夢朋從印
纍纍摩挲節吟諷清齋觀自得得此八百眾旌別森凡
閣囊括連屋棟鈐處趁花開賞餘聞鳥哢瑟居忝幽討
磬室忘屢空一技雕蟲進百年隙駒送起追飛鴻飛後

天瘦閣詩半

卷一

古

先後傳誦汪譜予久藏未敢覆響鐸持贈作酒觀願君
時復中邈也非今狂較勝伯輿慟才難古所嗟材大誰
爲用懸榻勤仲舉結駟侔子貢書法追皇象經學叩高
鳳長使一編留過於九鼎重蘭亭感陳跡彭殤概可痛
讀騷慕靈修立名恃無恐杜老徐鄉歌公侯祝羣從雪
晴春欲來且看鶯花鬪

題舊詩排印本分寄林穎叔周苻農郭筠仙三先
生曾劄剛邵筱村希虞臣三世仁兄李仲約平景
菴程尙齋劉樹君四同年陳右銘王壬秋兩仁兄

讀書五十年一編日在手行年近七旬存詩過千首憶

予弱冠時師事西澗叟叟曰汝學詩詩教在溫厚立言
造精微無或一字苟出門筮同人積誠動師友唱酬日

以多離合日以久險韻押殊怯平日押韻熟韻近體容
易成篇一作古詩則憚

於檢閱韻書不
多作遂不能工大句賞亦偶湘鄉師有太白醉魂今尙
存時吟大句動乾坤之譽

將裁小子狂簡俾就大匠
穀率名不副實深以爲愧簷簷非炎炎唯唯必否否火

候粗覓丹眼光僅窺牖所欠游名山筇屐穿林阜兼須

搜古蹟金石勘鼎曰五嶽未游惜少登山臨水之句千
金所換尙多羽陵汲冢之藏暇當

分題用
備詩格誰添十樣箋敢享千金帚頗思季鷹言有名不

如酒
予一鄉人耳幸生古人後古人曠無儔能以詩自壽討

天瘦問詩半
卷一
圭

源三百篇問津十九首陵李武蘇植曹籍阮潛陶五家

森不朽杜韓與蘇黃繼五家而九 聖清跨唐宋扶輪

多巨手 國初逮乾嘉作者堪尙友私淑凡幾人瓣香

奉之久乾嘉一輩中彷彿近誰某邯鄲愧學步太元宜

覆瓿漫云紙價貴徒增顏色忸聊贈後身我酣吟充下

酒千秋萬歲名終讓古人有

漆園善箸書寓言十之九其道與詩通予嘗服習久乾

坤萬形色南華無不有函關難爲師鄭圃難爲友六經

二嚴外子藏華嚴楞嚴兩經注疏本十餘家近得慈山
大師楞嚴通議及所注老子莊子將釀費刊行

獨立世無耦古今人所注莊子予收至五十
餘種擬一律齊刊奈搵力何靈均廿五

騷庶幾稱敵手不立儒門庭而包佛淵藪迷陽唱於前
河梁瞠乎後散木無可用大力負之走天籟有時聞純
氣自然守出機入於機得偶失非偶和平感人深醴粹
宅心厚鼎說能解頤予乃固哉叟一技成名古人所恥
予惟賦材甚弱學殖
不深所以滿眼古人無力到日暮途遠乃始自訂其詩
非敢妄冀身後虛名蓋慟墮地以來百無一成若并此
而無之則尤蹈慈湖所譏枉生世
間忙迫一場便休真大恨事也

吾蜀王澤山詞場射雕手一身備三益日下齊名久是

時湘鄉師獻納帝左右高呼太白魂名滿公卿口一

別徐海觀朝辭貢使徐友蘭薊坡任荷滿三國相先後
至皇都皆訪予酬唱海觀尤稱莫逆臨別

仰天長號期來生世為兄弟其子秋堂名相雨今官侍
郎連年致書存問去夏聞予噩耗卽持朋友之服繼知

天瘦開詩半卷一

其說則益大喜爲予稱慶疑賦秋自折腰活升斗悔餘
旅順寄予書言秋堂敢尙有說如此

主壇坫何廉叅太守宏獎善類予嘗凡事之今其二
子秋輩月擔奉母讀書才名藉甚能自樹立風

義輩韓柳流涕望九原兩師三畏友拋官賦遠游庚辰
秋予

初至滬上刊遠游四律和者甚眾行將久連年朋輩投
贈之篇及留京時朝鮮諸詩友先後唱酬詩札彙錄成

帙付梓春江艤花柳聞歌濕青衫問月搔白首邂逅今

賢豪眷戀昔儕偶一卷畱影響百年慟孤負猶擁萬牙

籤三餘探二酉支讀來生書天其許我否

天瘦閣詩半

今體

忠州李士棻芋仙

曇華寺聽濟公說戒

桐柏鬱山岡曇華古道場有詞投鐵秀無勇愧金剛北
面千花墜西來一葦航平生持孔戒抱佛亦升堂

典衣購書

故衣吾鮑叔緩急賴分金質庫毋嫌數貪書不諱淫囊
看一錢澀坐擁百城深絕學名山在青鐙知此心

文房四詠

平生浪使紙糝雜動成堆舊稿多塗乙新篇細剪裁光

天瘦閣詩半

卷二

一

陰竹素老聲價洛陽來劫火能逃否名心總不灰

天授一枝筆精粗隨所施但看花爛漫都是墨淋漓

聖代中興頌名場感遇詩憑君齊寫出留與後人思

一笏堅於鐵藏來經幾春甘同吾守黑不獨爾磨人但
使心無染能令筆有神丹黃色雖好慎勿傲龍賓

仙人運靈斧割取紫雲根池水四時活文章千古存生
來自有骨磨去了無痕硯癖誰如我摩挲手屢溫

示舊僕王泰

惜汝仍爲僕知子謬作儒忍言僮有約免諂客無徒曉
漏依書幌宵燈守藥鑪勤勞酬未得猶恨在泥塗

謹睡不吾怨來尋舊主人吞聲相顧盼和淚話酸辛高
筑悲歌地顏瓢屢空身過歸及冬日川路汝知津

贈別歐陽仲孫暉同年

每喜荒齋過遲迴手法分書驚堆四壁筆讓掃千軍世
上吾猶贅人中汝不羣論交同性命何止覓論文君風
四十看將到吾仍困草萊風雲奇氣束兒女壯心灰小
杜青樓夢前劉紫陌來回頭盡堪恨忍覆掌中杯
去去傷孤露麻衣淚一身好扶東道櫬歸慰北堂親土
類難容傲儒風善守貧臨歧商後會愁絕異鄉人

喜佑卿歸自江西

天瘦閣詩半

卷二

二

把示新詩本平生見未曾太羹味淡泊老樹骨峻嶒諸
費去已久二張呼不甞憑君振蜀雅此事獨精能

京華冠蓋地一往十年強鏡裏形容劣花前意態狂縱
懷四方志猶在衆人行秋杪吾歸矣藏名老故鄉

登觀象樓

放眼得高處始知吾最尊九州無畔岸萬象自朝昏風
緊吹塵世雲開見帝闈下方人攘攘徒爲利名奔

送勞亦漁出都還南海

細檢登科記曾無李杜名詩人例少達天意總難明白
雪自高唱青雲宜後生惜哉著書手辛苦去談兵

同方雲侯過佑卿留飲

有酒卽留賓情親話更親是爲真率會猶見老成人舊稿憑商榷閒庭似隱淪笑他門外客滾滾踏紅塵

題家信後

門戶遂難支年年遠別離早歸安至此不去更何爲干世懷無刺凋年鬢有絲讀書百無效甘被市人嗤

過蓮花寺舊寓

昔子來過夏下榻寺東偏蓮已無花看槐仍對影圓蟬喧新雨後蚊蚊聞晚燈前舊侶皆雲散回頭八九年

彭澤留別

天瘦閣詩半

卷二

三

元亮去千載後來非一官如何都滅沒而我復飢寒五斗適爲累督郵毋得干說歸卽歸矣計較便成難

僚友時相見艱危集病身城稀守陣士野盡毀家民苦議巡防策誰逃戰伐塵二雲空在眼五柳慘無春

流轉信天地憂傷厚性情僻從時輩棄狂與古人爭倦鳥飛難健疎花落亦輕夜窗攤卷坐燈火莽縱橫

八口將安寄南昌且卜居從軍代乞食多病廢看書轉徙成流寓飄搖失舊廬先人昨示夢孤露卅年餘

寄答朝鮮徐秋堂進士問近狀

憶昨辭彭澤從軍賦壯游烽煙驚滿目故舊半封侯六

代青山在三年白下留秦淮河畔柳搖落不禁秋
磨牛循舊跡步步返江西小邑慚馴雉尼山笑割雞養
生生未養齊物物難齊我欲詢莊叟爲文續馬蹄
未能勤撫字無恠拙催科民力兵荒後吾生缺陷多空
空三立望鼎鼎百年過衰病思田里憑高且放歌
使臣東海至連歲枉良書執友收仙李中原慕小徐文
章扶國運兄弟飽經畚世世神交遠無爲歎索居

奉贈廉昉先生

先生非石隱東志臥蒿萊鄉覓無何有辭拈歸去來文
章能立命仙佛遊爲才得不低頭拜追陪襟抱開

天瘦閣詩半

卷二

四

與世本無競閉門宜病身細思開口處難得會心人公
獨收迂腐吾將諡嬾眞爲儒丁此日出處一酸辛

贈馮子良司馬

曩叩何平叔今交馮敬通兩公五湖長一士百年窮弔
古歌兼哭談禪色不空平生獲罪處吟嘯侮天公

贈弓篠薺明府

君有能詩婦吾憐廢學兒舊游思灌口清夢繞峩眉貧
是才人例時非我輩宜惟應把書卷世事百無知

書憤

世亂藏書賤還能值幾錢故山歸未可舊事說難圓善

病妻矜恤長貧友棄捐祇應窮父子兀兀守殘編
天地方多難詩書致不祥語輕于忌諱恩重易悲傷骨
肉窮離間聲名謗抵當獄游首廬阜婚嫁未須忙

齋居養病

稍與市聲遠城南獨掩扉六塵空處定百念病中微深
樹流鶯語晴檐乳燕飛海鷗能我狎懶慢共忘機
力疾親書卷還能徧讀無少年空跌蕩中歲足憂虞杜
老家何在陶公子亦愚東方安一飽謹勿羨侏儒

天實命之矣何勞賦逐貧妻孥劣在眼圖史臆隨身放
論違知已低心畏眾人近諳吾短處亦復自嫌真

天瘦閣詩半

卷二

五

贈別許小東同年

見君吾不憚棖觸十年前花事忍重說宦遊殊可憐還
畱青在眼漸畏白盈顛一面俄分手雲帆上楚天
頻年有夢到多在國西門把酒聊爲壽聞歌却斷魂官
卑苛禮廢劫盡故人存傳語蒲圻子

謂賀

幻甫書稀似少恩

游妙相庵

四百八十寺惟餘妙相庵鶯花訪城北樓閣表江南林
鳥千聲脆池波萬綠涵連朝攜酒去游興鬪春酣

送湘鄉師相奉命東征二首

兩宮憂社稷四海望旌旗聖相裴中立勳王郭子儀丹

心酬 主眷赤手挽時危快靚軍容盛青徐萬馬馳
恩兼生我大材媿及門狂野服趨戎幕專經受禮堂離
心先海岱流涕對河梁後夜西江月相隨到戰場
送盛愷翁守南康郡

憶賃湖邊屋高軒喜再過輜材叨獎藉冲度挹祥和錄
別三秋半論心一語多我生何所似鴻雪問東坡
西江談治譜公最歷年深過眼紅羊劫隨身綠綺琴古
歡敦竹素遺愛徧棠陰定是香山叟題詩滿二林
召杜循良績湖山管領才一麾星渚去五老郡庭來送
客虎溪遠傳經鹿洞開高堂千萬壽燕飲綵衣陪

天瘦閣詩半

卷二

六

尋常畏言別况送老成人十載合離跡一街前後鄰藏
書通假借定力闕艱辛白首相逢日松心對竹筠

追哭先師太傅曾文正公二十四首

送至揚州返五卅師生一世終後先書屢寄中外事無
窮自泣頽梁木長期哭殯宮浮湘猶未得淚雨灑江風
往者歲庚戌吾師主校文徧觀蠶食葉先賞馬空羣標
榜千人伏升沈一夕分青衫門下士從此附青雲

東方需詔日北斗仰文星載酒子雲宅登龍元禮庭孝

廉

張廉

同侍坐太史袁漱翁許忘形丙夜談無倦燈花滿

意青

豫章主秋試擊節送行詩已報入闈近旋銜陟岷悲清
湘管葬日墨經募兵時果應籌南識戈船叛水師

涿郡詩筒至高呼太白存吹噓扶羽翼嘯傲動乾坤七

字蒙真賞終身戴厚恩悲秋輸宋玉無地賦招魂

海客尊風義年年問侍郎屢驚蕡下第殊羨仲升堂

朝解

貢使與都下士夫游必問曾先生安否徐海觀見贈有師友中原風義盛文章下第姓名傳之句付託

曹溪鉢薰修正字香危樓今獨立揮涕對蒼茫

營門嚴鼓角北面就東流弟子猶青髯先生漸白頭新
符彭澤宰舊事帝京游幕府同安盛攜家傍節樓

龍飛新甲子虎踞舊江山臣力諸昆瘁侯封一等頌東

天瘦閣詩半

卷二

七

征題扇別西土掉舟還縣印凡三攝臨川墜夢間

高臺裘帶地俯仰劫灰餘壁上南豐記人間北海書十

賢今俎豆萬竈昔郊墟比似臨江宅還留庾信居

作督丁多難謀軍出萬全能行平日志共信得君專哀

痛承優詔憂勞失大年九原今不作三聖渴求賢

大名儕蜀相盛德婉溫公衡麓英靈氣星岡積累功專

祠連十省繪像徧諸戎先帝相望久神依太廟中

姓名文穆袋桃李狄梁門薦達多邦彥安危戀至尊

黃圖磐石固蟠髮典型存翳我成樗散深孤雨化恩

大裘同廣廈覆庇萬孤寒物望真能副天懷本自寬憐

才今代獨報德此生難欲補窮愁志茫茫感百端
桐城宗派歇公起霸中原隻手提文柄羣材萃匠門星
辰引而上雲夢果然吞奏議兼碑版名山一席尊

自謂學山谷人言近放翁卽論餘事作亦與大家同白
髮生明鏡青山憶謝公每吟姚叟句三昧在唐風

積小成高大艱難過一生備嘗辛苦味分占古今名樂
與人爲善恒虞天忌盈彌留數行字淒絕淚縱橫

十八詩人集百家經史鈔眼光隨處到心力此中拋足
掩昭明選能將眾製包披吟充腹笥孤陋免相嘲

奔奔露神鋒臨池不告慵詳求撥鐙去細認畫沙蹤玉

天瘦閣詩半

卷二

一八

版驅毫健金壺潑墨濃高堂伯夷頌筆陣戲羣龍

格言凡四幅發藥示砭鍼警惰肩時務鋤驕養道心窮

通誰得料憤樂每相尋顧諟同提命長懸座右箴

聞昔犀提室山谷懸真拜大蘇公今天上去誰道世間

無快觀鬚眉活儼然言笑俱追蹤聖哲像香火奉新圖

天下奇男子人間好弟兄九邊雄作鎮萬命倚爲生多

病思求藥成功乞解兵

金陵克復抗甫九帥引疾還湘
棗隨侍吾師送至江干今撫山

西連年籌賑積勞增病疏求长假擬往藥物多處便於
調治言極沈痛而朝旨慰留至再不知近已安健否

太原何處是湘水遠含情

接武韋平跡趨庭對二難皇華萬里遠勗剛算學一編

刊栗誠 啟處應加慎音書好寄看江東文字欲追憶有
餘歡

三峽粉榆社五湖鷗鷺羣幾時還聽雨八表一停雲愁
倍張平子游希宗少文同門各星散契濶斷知聞
老成天下惜今我哭其私落日三湘遠長風萬竅悲遺
書憑卒業築室恨愆期惟有寸心在光明印本師

題室中書架

收書萬餘卷插架三十年譬似守財虜徒誇滿屋錢幾
番投質庫何日返謹田剩有零星本珍於多寶船

喜晤雪巖和尚乞爲予作夢攬萬松圖

天瘦閣詩半

卷二

九

昔嘗於夢裏身傍萬松行畫手世無幾詩人例有情煩
摹孤鶴影添寫亂泉聲此境終須踐披圖當結盟

贈張子衡廉使

每聽談鴻雪名場與戰場東京文苑傳北闕御鑪香傲
岸封侯骨豪華結客腸迴瀾期巨手駐景檢神方
蘇門瘦方叔今日鬢毛斑酒債尋常欠詩篇次第刪看
花誰紫陌入夢幾青山喜結新吟社時時欸竹關

筱圃招同稷侯雪中小飲

風雪三更壯歌呼一室溫雞蟲拋得失冰炭了仇恩淨
海知天大觀空信佛尊醉歸攜果餌推愛及雙孫

壽蒲圻尚書賀雲甫年丈

真到南昌郡從前豈預謀墨池忙舊課酒庫試新籟江漢今耆宿邱崖仙匹儔老懷何所似浩浩一虛舟

題孝昌沈同年棠溪文集

論文誰入細求愜此心難每見商新課投書獎腐官承

乏臨川辦理敘案君遺書推勉甚至千鈞三寸管一粒九還丹賈勇談明

史君近撰明史紀事休云力已殫

汪郎亭先生見示索楊詠翁書說文部首長歌讀

竟題後

往見楊夫子臨池意態雄用心周碣內留客翟門中詠翁

天瘦閣詩半

卷二

十

每作小局招周縵雲莫子細趙惠甫及子與眉生輩過飲治饌極情五百四十部為予寫

一通今歌乞書製硬語敵韓公

贈胡蕙齋明府

坊近易經過閒門訪雀羅結交原有道同調本無多節概三山峻才華九曲波飛牋挑戰急敵手奈君何

寄懷汪柳門學使吳中禮居二首

東吳君已遠北郭我仍貧未縱青冥靶誰扶大雅輪門

前來幾客花外過三春每念文章伯時於董子覺軒親

近校曲臺記遙知深閉關忍飢餐白石營葬走青山許

學功臣首韓門弟子班東南營壇坵隻手與追還

得李崇珮天津書

同姓憐同病緘書自析津宛然相對語俱是不如人譎
去仙塵劫悲來佛結鄰

君寓大悲庵

艱難謀再見別已廿餘

春

懷朱蘋洲

一官騎戶限公事了何時念子塵猶抗嗟予路又歧有心希漫叟無計效鴟夷窮達姑由命流傳或在詩

寄酬張衡翁

魚鹽塵外局主客竹間堂置酒破僧戒看花分佛香別來年歲改書到海天長耆舊兼新語思公未可忘

天瘦閣詩半

卷二

一七

夢鄉謀一面旅思積千重慷慨幽州氣浮沈海國蹤行年增馬齒老態避龍鍾遠拜瑤華字藉開茅塞胸

簡錢君昕伯袁君翔甫何君桂笙並乞和章

黃浦三君子清流幾輩傾新聞儲史料餘力築詩城未拜天家祿遙馳海國名常何世無有誰薦馬桂平

物物皆平等心本洞然懶交趨勢士不問忌才天撥

置妻孥累牽連文字緣

海內勝流無論曾識未識時有詩札見及則文字之緣似尙可

聽古人言果立功德並流傳

爲任龔甫孝廉題杜培之所畫蝶去尋花團扇

亦是可憐者人間有此蟲夢醒千古內家世百花中魚

樂應堪喻嘗見魚咬水面落蟬清正自同蟬非露不飲
露耳皆能自成高潔紅是卽蝶戀花也齊紘搖動處隨地起春風
吾以爲蟲天巢許

題高昌寒食生奴火紀焚詩册

杜老吞聲哭崎嶇避賊腥十年無暇晷百苦寫零星
物龍泉在餘生虎口經輶軒需採進野史一編青

方仲舫孝廉頃因鮑春霆爵帥聘游湖南相見申
江撫今追昔不可無詩

江東開幕府昔號小朝廷驥尾青雲土龍門白下亭
茫成昨夢落落感晨星各訴羈人狀燈前忍淚聽

海內賢賓主天涯老弟昆危言評將相屏影倚乾坤朝

天瘦閣詩半

卷二

三

雨歌三疊春風酒一尊

莫善徵同年置酒上海縣齋招同張嶺山文學劉開生都轉餞

君之行五人皆嘗從曾文正公游今皆垂垂老矣

童年隨宦地好去採蘭蓀

酬楊茂才裕勳

予偶患盜汗杜門調攝十日心齋適建屏世講自

忠來滬寫贈花卉多幅披玩移時遂占勿藥昔人

借輞川圖以愈疾見桃花開而悟道信非虛語詩

以志謝預賀秋捷

當下病魔遁因看新畫屏屏軀調坐臥生氣益丹青眼

底橫三絕毫端會百靈秋風京兆試盼爾佛名經

贈張儻仙

出侍河汾席歸趨詩禮庭才成同楚寶神降是衡靈文
字萬夫特姓名千佛經更看游理窟家學有西銘
老輩雕龍手新交雛鳳聲尺書于鄭重寸抱一光明送
別忙題扇臨流欠舉觥壻鄉襄水上贈答富詩情

天瘦閣詩半

卷二

七



限出題風韻益入事指點惟嫌太工附答富稿
茂曹舉頭千條交際鳳聲尺書于鄭重寸抱一光明送
半萬夫特姓名千佛經更看游理窟家學有西銘
出於前卷前題詩題到水水同六寶則一

